

ԿԱՆՈՆ ՊՍԱԿԻ

Փեսայ եւ Հարս Եկեղեցւոյ ատեանին մէջ կը կանգնին կողք-կողքի, դէմքերը դէպի խորան:

Կ'օրնենք մեր Տէրը՝ Յիսուս Քրիստոս. ամէն:

Հայր մեր երկնաւոր, սրբաբանուի՛ անունդ: Թող գա՛յ արքայութիւնդ: Թող կատարուի՛ քու կամքդ, ինչպէս որ երկինքի մէջ՝ այնպէս ալ երկրի վրայ: Ամենօրեայ մեր հացը այսօ՛ր եւս մեզի տուր: Ներէ՛ մեր յանցանքները, ինչպէս որ մենք կը ներենք անոնց՝ որոնք մեզի դէմ նոյնպէս յանցանք կը գործեն: Եւ թոյլ մի՛ տար որ փորձութեան մէջ իյնանք, այլ մեզ Չարէն ազատէ: Որովհետեւ քո՛ւկդ եմ միշտ՝ արքայութիւնը, գօրութիւնը եւ փառքը. ամէն:

Սարկաւազը կը ձայնէ.

Տիրոջմէ՛ խաղաղութիւն աղերսենք դարձեալ: Ընդունէ՛ մեր խնդրանքը, փրկէ՛ մեզ եւ ողորմէ՛ մեզի:

Քահանան կ'ըսէ.

Օրհնութիւն եւ փառք տանք Հօրը, Որդիին եւ Սուրբ Հոգիին, այժմ եւ միշտ եւ յաիտեանս յաիտենից. ամէն:

Ապա հետեւեալ յորդորը կու տայ անոնց.

ԽՐԱՏ

Տեսէ՛ք որդիներ,

Սուրբ եկեղեցի եկած էք՝ Աստուծոյ հրամանով եւ մեր սրբազան հայրապետներու հաստատած կանոններուն համաձայն պսակուելու՝ սուրբ ամուսնութեան համար: Մենք բոլորս կ'աղօթենք որ Աստուած ձեզ միաբան սիրով պահէ, խոր ծերութեան հասցընէ եւ իր երկնային անթառամ պսակին արժանացնէ:

Երկուքդ ալ շատ լաւ գիտէք, որ կեանքի մէջ կան տեսակ-տեսակ փորձութիւններ.՝ հիւանդութիւն, ձախորդութիւն, աղքատութիւն եւ այլ դժբախտութիւններ: Մեր սրտագին աղօթքն է, որ Աստուած ամէն տեսակի փորձութենէ հեռո՛ւ պահէ ձեզ: Բայց, Աստուծոյ կամքն է որ դուք երկուքդ բոլոր՝ պարագաներուն, մանաւանդ նեղութեան եւ դժուարութիւններու մէջ, միշտ ըլլաք իրարու օգնական, տէր եւ պաշտպան, եւ հաւատարիմ մնաք իրարու՝ մինչեւ մահ:

Ապա նախ փեսային կը հարցընէ.

Որդեակ, կը խոստանա՞ս բոլոր պարագաներուն մէջ մինչեւ մահ տէր եւ պաշտպան ըլլալ այս օրիորդին, որ կ'ինդ պիտի ըլլայ, եւ հաւատարմութեամբ սիրել գային:

Փեսան կը պատասխանէ.

Այո՛, Հայր Սուրբ, կը խոստանամ՝ Աստուծոյ կամքով:

Ապա Հարսին կը հարցընէ.

Եւ դուն, որդեակ, կը խոստանա՞ս բոլոր պարագաներուն մէջ մինչեւ մահ տէր եւ հնազանդ ըլլալ այս պարոնին, որ ամուսինդ պիտի ըլլայ, եւ հաւատարմութեամբ սիրել զայն:

Հարսը կը պատասխանէ.

Այո՛, Հայր Սուրբ, կը խոստանամ՝ Աստուծոյ կամքով:

Քահանան կը շարունակէ.

Աստուած, որ իր աներեւոյթ ներկայութեամբ այս սուրբ տաճարը կը լեցնէ, այլեւ մեր պահապան հրեշտակները, այս սուրբ Եկեղեցին, սուրբ Խաչն ու սուրբ Աւետարանը, քահանայից դասը եւ հարսները այս ամբողջ բազմութիւնը ձեր խոստումին վկայ թող ըլլա՞ն:

Փեսայ եւ Հարս կը պատասխանեն.

Այո՛, Հայր Սուրբ, թող ըլլան:

Քահանան.

Աստուած ձեզի հետ ըլլայ եւ երբե՛ք չսասանիք. օգնէ ձեզի Աստուած, այս պահէն սկսեալ մինչեւ վախճանը ձեր կեանքին:

Ապա քահանան Հարսին աջ ձեռքը Փեսային աջ ձեռքը կու տայ, ըսելով.

Երբ Աստուած Եւայի ձեռքը Ադամի աջ ձեռքը տուաւ, Ադամ ըսաւ. «Ահա ասիկա ոսկորես ու մարմնես է. ասիկա կին պիտի կոչուի, որովհետեւ իր ամուսինէն առնուեցաւ»: Ահա այս պատճառով մարդը պիտի թողու իր հայրն ու մայրը եւ իր կնոջ միանայ, եւ երկուքը մէկ մարմին պիտի ըլլան: Հետեւաբար, Աստուծոյ միացուցածը մարդիկ թող չբաժնեն:

ՇԱՐԱԿԱՆ ԳԿ.

Նա՛յեա՛ ի մեզ եւ ողորմեա մեզ Քրիստոս. որ սննիս բողո՛ւմ դըրժուժի՛ նս:

Նայէ եւ ողորմէ՛ մեզի, Քրիստոս, որովհետեւ բազմազոյք ես:

Մայր եւ կոյս աղօթին Քրիստոսի որ բարեխօ՛սդ եւ միշտ աշխարհի. քեզ երանեն սոկնայն աղի՛նք:

[Ո՛վ Մարիամ], Քրիստոսի կոյս մայրն ու աղախիւնը, որ աշխարհի բարեխօսն ես միշտ. բոլոր ազգերը երանի՛ կու քան քեզի:

Յաղժն՛դ եւ զնոր օրհնութիւն միշտ ի՛ բարձունա երգեսցուք թապա՛ւտին Քրիստոսի հասա՛ սոսցեալ ժողովն՛ քոք:

Յաղթական նոր օրհներգութիւն երգենք միշտ, հաւատացեալ ժողովորդ, բարչունքներուն մէջ նստող թագաւորին՝ Քրիստոսի:

Փս՛ւք Հօ՛ր եւ Արդւոյ եւ...:
**Այսօր եւ մեր տօնեացոյք զհասն՛կառիս
սուրբ Խաչին. եւ փը՛րկալին մասուացոյք
փառք է՛ւ պատիւ յաւիտեան՛ն:**

Փառք Հօր...: Այժմ եւ միշտ...:
*Այսօր մենք սուրբ Խաչի նաւասարիքը
կը փօնենք եւ յաւէտ փառք ու պատիւ
կընծայենք Փրկիչին:*

ԱՂՕԹՔ

Ո՛վ Տէր, յաիտենական Աստուած, դուն որ արակտելիօրէն իրարու կը կապես ու կը միացնես իրարու սահմանուած անուրիները, օրհնէ՛ քու այս ծառադ եւ աղախինդ, ինչպէս Իսահակն ուի Ռեբեկան օրհնեցիր՝ ցոյց տալով որ քու խոստումներուդ ժառանգորդներն են անոնք, եւ զիրենք բարեգործութեան՝ առաջնորդէ, ողորմած եւ մարդասէր Տէր, մեր Աստուածը: Արովիտեսի քեզի՛ կը վայելեն փառքը, իշխանութիւնն ու պատիւը, այժմ եւ միշտ եւ յաիտեանս յաիտենից. ամէն:

Մինչ Սարկաւազը կը ձայնէ, եկեղեցականներու դասը բեմ կը բարձրանայ, իսկ Փեսան ու Հարսը Խաչեղբօր հետ միասին կը յառաջանան եւ կու գան բեմին առջեւ, ուր կը կանգնին դէմքերը դէպի խորան դարձած:

ԺԱՄԱՄՈՒՏ

Խաղաղութի՛ւն շնորհէ քու սուրբ Եկեղեցիիդ, ո՛վ Քրիստոս, թշնամիներու յարձակումներուն դիմաց զայն խաղաղ ու անասան պահէ, եւ ընդհանրական Եկեղեցին մէ՛կ հաստաքի մէջ հաստատէ, որովիտեսի դո՛ւն ես մեր Տէրը եւ Աստուածը. փրկէ՛ մեզ:

ԵԿԵՂԵՑԻՈՅ ՇԱՐԱԿԱՆ ԳՁ.

**Ուրախ լեր սուրբ Եկեղեցի, քանզի
Քրիստոս ա՛րքայն երկնից այսօր
պրտակեաց ըզբեզ Խաչին իւրով եւ
զարդարեաց զգրմարըս քո սքանչելի
փառօքն իւրս՛ վք:**

*Ուրախ եղիր, սուրբ եկեղեցի, որովիտեսի
Քրիստոս՝ երկինքի արքան այսօր քեզ իր
խաչով պսակեց, եւ իր սքանչելի փառքով
զարդարեց պարիսպներդ:*

**Խընդս յոյժ դուսար Միոնի, քանզի երկիրս
է՛րկնք եղեն այսօր վերբառին քո
Նորոգմամբ եւ թաղաւորն երկրաւոր
հաճեցաւ բընակիլ ի քե՛զ:**

*Մեծապէս ցնծա՛, Միոնին աղջիկ
(Երուսաղէմ). քու նորոգութեամբդ այսօր
երկիրը երկինքի վերածուեցաւ,
որովիտեսի երկնաւոր թագաւորը
հաճեցաւ քու մէջդ բնակիլ:*

Փս՛ւք Հօ՛ր եւ Արդւոյ եւ...:

Փառք Հօր...: Այժմ եւ միշտ...:

**Ուրախ լեր բերկրեան՛ Հարմապետդ սուրբ
Եկեղեցի, պայծառացս զմանկունըս քո
յօրհաբանովին ծագողին ըզսղ ըսաց ի
քեզ մայր Եկեղեցի՛:**

*Ուրախացիր եւ բերկրէ՛, սուրբ Եկեղեցի,
Քրիստոսի հարսը. պայծառացո՛ւր
զաւակներդ, որպէսզի օրհնեն քեզի լոյսի
շող բերողը, ո՛վ մայր Եկեղեցի:*

Սարկաւազը.

Ուշադի՛ր եղէք:

Դպիրները երեք անգամ կերգեն.

**Սո՛ւրբ Աստուած, սուրբ եւ Հզօր, սուրբ եւ
անմահ, որ մարմնացար վաճն մեր,
սրբա՛նա՛ մեզ:**

*Սուրբ Աստուած, սուրբ եւ հզօր, սուրբ եւ
անմահ, որ մեզի համար մարմնացար.
նորո՛ւն՛ մեզի:*

ՔԱՐՈՉ

Տիրոջմէ խաղաղութիւն աղերսենք դարձեալ:

Ողորմէ՛, Տէր:

Աշխարհի խաղաղութեան եւ սուրբ Եկեղեցոյ հաստատութեան համար Տիրոջը
աղաչենք:

Բոլոր սուրբ եւ ուղղափառ եպիսկոպոսներուն համար Տիրոջը աղաչենք:

Մեր սրբազնագոյն հայրապետին՝ Տէր, Տէր (անուն) Կաթողիկոսի արեւշատութեան
եւ հոգիին փրկութեան համար Տիրոջը աղաչենք:

Ողորմէ՛ Տէր, Ողորմէ՛ Տէր, Ողորմէ՛ Տէր:

Եւ Քահանան կ'ըսէ.

Որովհետեւ ողորմած եւ մարդասէր ես, ով Տէր, մեր Աստուածը, եւ քեզի կը վայելեն
փառքը, իշխանութիւնն ու պատիւը, այժմ եւ միշտ եւ յաիտեանս յաիտենից. ամէն:

**Սարկաւագի քարոզին հետ Փեսան ու Հարսը կը կանգնին իրարու դէմ յանդիման՝ գլուխ-գլխի, Խաչեղբայրը
խաչը կը բռնէ անոնց գլխուն վերեւ:**

ԸՆԹԵՐՑՈՒՄ

Ալէլուիա, Ալէլուիա.

Տէր, քու օրհնութեանդ բարիքներով դիմաւորեցիր թագաւորը եւ թանկագին քարերով
թագ դրիր անոր գլխուն:

**ԸՆԹԵՐՑՈՒՄ ՊՕՂՈՍ ԱՌԱՔԵԱԼԻ
ԵՓԵՍԱՅԻՆԵՐՈՒՆ ԳՐԱԾ ՆԱՄԱԿԵՆ
(5.22-33)**

Քրիստոսի հանդէպ ձեր պատկառանքը արտայայտեցէ՛ք՝ իրարու հնազանդելով:

Կիներ, հնազանդեցէ՛ք ձեր ամուսիններուն, ինչպէս Տիրոջ պիտի հնազանդէիք.
որովհետեւ ամուսին մը իր կնոջ գլուխն է, այնպէս՝ ինչպէս Քրիստոս գլուխն է եկեղեցիին,
իր մարմինին, որուն Փրկիչն է ինք: Հետեաբար, ինչպէս եկեղեցին Քրիստոսի կը
հնազանդի, այնպէս ալ կիները ամէն բանի մէջ իրենց ամուսիններուն թող հնազանդին:

Այրեր, սիրեցէ՛ք ձեր կիները այնպէս՝ ինչպէս Քրիստոս սիրեց եկեղեցին եւ իր
կեանքը տուաւ անոր համար, որպէսզի ջուրի լուացումով զայն մաքրէ եւ իր խօսքով սրբէ,
այնպէս մը՝ որ եկեղեցին իրեն ներկայանայ ամբողջական փառքով, առանց ոեւէ արատի
կամ խորշոմի կամ ուրիշ թերութեան, այլ՝ ըլլայ սուրբ եւ անարատ: Դիշդ նոյն ձեւով,
ամուսիններ պարտին իրենց կիները սիրել որպէս իրենց մարմինը, որովհետեւ իր կինը
սիրողը իր սեփական մարմինը սիրած կ'ըլլայ, եւ չկայ մէկը որ իր մարմինը անտեսէ. ամէն
մարդ ալ կը սնուցանէ եւ կը խնամէ իր մարմինը, ինչպէս Քրիստոս կը սնուցանէ եւ կը

խնամե՛ եկեղեցին՝ իր մարմինը, որուն անդամներն ենք բոլորս, անոր մարմինէն ու ոսկորներէն: Սուրբ Գիրքին մէջ գրուած է. «**Ահա այս պատճառով այրը պիտի թողու իր հայրն ու մայրը եւ իր կնոջ միանայ, եւ երկուքը մէկ մարմին պիտի ըլլան**»: Աստուծոյ ծրագրին կապուած կարեւոր ճշմարտութիւն մըն է ասիկա, որ ըստ իս՝ Քրիստոսի եւ եկեղեցիին կը վերաբերի: Բայց նոյնը կը վերաբերի նաեւ ձեզմէ իւրաքանչիւրին, որովհետեւ իւրաքանչիւր այր պէտք է իր կինը սիրէ իր անձին պէս, եւ ամէն կին պէտք է յարգէ իր ամուսինը:

Ապա դպիրները կ'եղանակեն.

Ալէլուիա, Ալէլուիա.

Թագուհին քու աջիդ պիտի կանգնի՝ ոսկեկար հագուստներով զարդարուած ու պճնուած:

ԱՒԵՏԱՐԱՆ

<i>Սարկաւագը.</i>	Ալէլուիա, ոտքի՛:
<i>Քահանան.</i>	Խաղաղութի՛ւն բոլորին:
<i>Դպիրները.</i>	Նաեւ քու հոգիիդ:
<i>Սարկաւագը.</i>	Երկիւղածութեամբ լսեցէք:
<i>Քահանան.</i>	Յիսուս Քրիստոսի Աւետարանը, Սատթէոսի համաձայն: (19.3-6)
<i>Դպիրները.</i>	Փա՛ռք քեզի, ո՛վ Տէր, մեր Աստուածը:
<i>Սարկաւագը.</i>	Ուշադիր եղէք:
<i>Դպիրները.</i>	Աստուած կը խօսի:
<i>Քահանան.</i>	Դրուագ՝ մեր Տիրոջ Յիսուս Քրիստոսի կեանքէն:

Փարիսեցիներ Յիսուսը փորձելու մտադրութեամբ մօտեցան անոր եւ հարցուցին.

- Մեր Օրէնքով մէկը իրաւունք ունի՞ ռեւէ պատճառով իր կինը արձակելու:

Յիսուս անոնց պատասխանեց.

- Չէ՞ք կարդացած Սուրբ գիրքերուն մէջ, թէ Աստուած սկիզբէն «արու եւ էգ ստեղծեց մարդիկը եւ ըսաւ անոնց. **“Այս պատճառով այրը պիտի չզէ իր հայրն ու մայրը եւ իր կնոջ միանայ, եւ երկուքը մէկ մարմին պիտի ըլլան**”»: Հետեւաբար այլեւս երկու չեն, այլ՝ մէկ մարմին: Ուրեմն ռեւէ մէկը թող չբաժնէ անոնք՝ որ Աստուած միացուց:

ՔԱՐՈՉ

Աղաչենք, որ Տէրը մեր քայլերը դէպի խաղաղութեան ճամբաները ուղղէ:

Ողորմէ՛, Տէր:

Աղաչենք, որ Տէրը մեզմէ վանէ չարին բոլոր խորհուրդները:

Աղաչենք, որ Տէրը մեզի առողջ խորհուրդներ եւ առաքինի կեանք մը պարգտէ:

Ողորմէ՛ Տէր, ողորմէ՛ Տէր, ողորմէ՛ Տէր:

ԱՂՕԹՔ

Ո՛վ Տէր, երկնային զօրքերու Աստուած եւ բոլոր արարածներու Արարիչ: Գեանի փռչիւն առիր եւ մարդը ստեղծեցիր քու պատկերովդ ու նմանութեամբդ, եւ զայն դիրք դրախտին մէջ որ երանական կեանքն էր: Չանոնք արու եւ էգ ստեղծեցիր, եւ օրհնեցիր ըսելով. «Աճեցէք, բազմացէք, երկիրը լեցուցէք եւ անոր տիրեցէք»:

Արդ, ինչպէս մեր նախահայրերուն ու նախասմայրերուն ամուսնութիւնը օրհնեցիր, եւ օրհնեցիր քու բոլոր արդարներուդ պսակը, նոյնպէս օրհնէ՛ նաեւ քու ծառաներուդ

ամուսնական այս կապը, որովհետեւ դու՛ն է որ զանոնք հասցուցիր այս քաղցր օրհնութեան, եւ թանկագին քարերով թագ դրիր անոնց գլխուն:

Այս հանգրուանին քահանան թագերը կը դնէ Փեսային ու Հարսին գլխուն: Գպիրները կ'երգեն:

ՇԱՐԱԿԱՆ ԳԿ.

Թա՛գ պարծանաց սրշակունեա՛ց կաղնեալ առաքեբական վարուք սէր պրիզարիս. յօրինեցար բազմազոյն սկամբք հանդիսից նա՛հաստակութեան. վայելուչ սլրասկ հիւսեալ սուրբ եկեղեցւո՛յ:

Արշակունիներու պարծանքի թագը եղար քու առաքելական վարքովդ, ո՛վ Տէր Գրիգոր, թագ մը՝ որ կրած չարչարանքներուդ բազմազոյն ակերով զարդարուեցաւ, սուրբ Եկեղեցիին համար վայելուչ պսակ դառնալով:

Ապա Քահանան կը շարունակէ Աղօթքը.

Գալիլիայի Կանա քաղաքին մէջ տեղի ունեցող հարսանիքը օրհնելով եւ աստուածաին հրաշքով ջուրը գինիի փոխելով՝ աստուածային փառքդ ցոյց տուիր աշակերտներուդ եւ ճանչցուեցար որպէս Աստուած եւ մարդկութեան Փրկիչը: Ո՛չ միայն չմերժեցիր ամուսնութիւնը, այլ դուն ի՛նքդ իբրեւ քահանայապետ օրնեցիր եւ ճշմարիտ խօսքովդ հաստատեցիր զայն, ըսելով. «Աստուծոյ միացուցածը մարդիկ թող չբաժնեն»: Ահա թէ ինչու Առաքեալը կ'ըսէ. «Բոլորդ ալ ամուսնութիւնը պատուեցէք եւ ամուսնական անկողինը սուրբ պահեցէք»:

Ո՛վ Տէր, դուն որ սուրբ ես եւ սուրբերուն մէջ կը բնակիս, սուրբ պահէ ասոնց ամուսնական անկողինը եւ զանոնք քու պատուիրաններուդ լուծին տակ զուգելով միացուր, որպէսզի ա՛լ այսուհետեւ չնկատուին երկու, այլ մէկ մարմին՝ հնազանդութեամբ միացած, եւ զիրար սիրեն՝ պարկեշտ կենցաղով, անբիծ հոգիով, առանց ամօթի եւ առանց լկտիութեան, ամէն բարի գործերու պատրաստ ըլլալով: Որպէսզի գերծ մնան թշնամիին որոգայթներէն, եւ հրեշտակներուն եւ քու ամենայաղթ խաչիդ պահպանութեամբ՝ մնան առողջ, հոգիով եւ մարմնով:

Այո՛ Տէր, մեր Աստուածը, պաշտպան եւ ապաւեն եղիր քու ծառաներուդ՝ իրենց ամբողջ կեանքի ընթացքին: Չարանե՛զ խորհուրհներէ փրկէ՛ զիրենք եւ զիշեր ցերեկ քու ողորմութեամբդ պատսպարէ: Չանոնք քու եկեղեցիիդ մէջ տնկէ պտղալից ձիթենիի պէս, որպէսզի արդարութեամբ, սրբութեամբ եւ աստուածպաշտութեամբ ապրին, ինչպէս քու բարեսէր կամքիդ ցանկութիւնն է, արժանի ըլլան իրենց թոռները տեսնելու, եւ ըլլան քու ժողովուրդդ՝ սուրբ անունիդ փառաբանիչ, անդադար օրհնելով ամենասուրբ Երրորդութիւնդ՝ Հայրը, Որդին եւ Սուրբ Հոգին, այժմ եւ միշտ եւ յաիտեանս յաիտենից. ամէն:

Փեսան ու Հարսը կը նստեցնեն եւ հետեւեալ Շարականը կ'երգեն.

ՇԱՐԱԿԱՆ ԲԿ.

Ով երանելիւք ամենեցո՛ւն տիեզերական խիստնութեա՛ մը ընկալար ի Քրիստոսա՛ւ՝ ըզլծադ պարծանաց. ով Աբգար մեծ թագաւոր վաղըն մեր բարեխօսեա առ թագաւորն երկնասա՛ր:

Ով Աբգար մեծ թագաւոր, դուն որ ամբողջաշխարհի մէջ երանելի եղար եւ պարծանքի թագ ստացար Քրիստոսէն, մեզի համար բարեխօսէ՛ երկնաւոր թագաւորին:

Փառք Հօր...:

**Ուստի եւ մեր Հաստատեալքս ածուեմք
դքս յիշատակս, օրհնութիւնս առաքելո՛ւ
ըզբեզ պրտակալին. սլՏրբաս:**

Փառք Հօր...: Այժմ եւ միշտ...:

*Ո՛վ Տրդար մեծ քազաւոր եւ Աշխէն
մեծ քազուհի, մենք՝ հաւատա-
ցեալներս չեք յիշատակը կը փօնենք՝
օրհնութիւն երգելով չեզ պասկողին.
մեզի համար քարեխօսեցէ՛ք երկնա-
ւոր Թազաւորին:*

**Շարականի աւարտին Փեսան ու Հարսը կրկին կու գան բեմին առջեւ կը կանգնին իրարու դէմ յանդիման՝
գլուխ-գլխի. Խաչեղբայրը խաչը կը բռնէ անոնց գլխուն վերեւ:**

ՔԱՐՈՉ

Աղաչենք որ Տէրը լսէ մեր ձայնը, ընդունի մեր սրտաբուխ խնդրանքները, ներէ մեր յանցանքները եւ ողորմի մեզի. մեր աղօթքներն ու խնդրանքները միշտ հասնին իրեն՝ մեր մեծ Տիրոջ. եւ ինք մեզ արժանի ընէ միասնաբար, մէկ հաւատքով եւ բարի գործերով աշխատելու արդարութեան համար: Խնդրենք որ ողորմի եւ իր շնորհքը տայ մեզի: Ամենակալ Տէր, փրկէ՛ մեզ եւ ողորմէ՛ մեզի:

Ողորմէ՛ Տէր, ողորմէ՛ Տէր, ողորմէ՛ Տէր:

ԱՂՕԹՔ

Ո՛վ Տէր, մեր Աստուածը, որ միշտ մեզի հետ եւ եւ բնաւ չես լքեր անոնք՝ որոնք ճշմարտութեամբ քու սուրբ անունը կը խոստովանին: Կ՛աղաչենք, կը պաղատինք քեզի եւ կը խնդրենք, մարդասէր Տէր, քու հրամանովդ օրհնեցինք այս գոյգին ամուսնական կապը՝ քու սուրբ տաճարիդ մէջ, այս սուրբ Սեղանին առջեւ: Եւ հիմա, բարերար Տէր, քու հրամանովդ իրենց գլխէն կը հանենք պասկի նարօտները, եւ զիրենք սուրբ Խաչիդ նշանովը կ'օրհնենք:

Այստեղ Քահանան Փեսային ու Հարսին գլուխէն կը վերցնէ քազերը եւ Խաչեղբօր խաչը կ'առնէ: Բոլորը միասին դէպի խորան կը դառնան, մինչ աղօթքը կը շարունակուի:

Բարի աչքդ միշտ իրենց վրայ թող ըլլայ, ո՛վ Տէր. քու խաղաղութեան հրեշտակդ դրկէ, որպէսզի զիրենք պահէ սուրբ եւ անարատ, միաշունչ եւ միախորհուրդ: Նաեւ զաւակներ շնորհէ իրենց, Տէ՛ր, ինչպէս որ դո՛ւն կ'ուզես: Քու առատ բարերարութեամբդ քաղցրացո՛ւր անոնց կեանքի վայելքը, որպէսզի անբիծ եւ անարատ վարքով ապրին այս աշխարհի մէջ, մինչեւ խոր ծերութիւն հասնին, եւ արժանի ըլլան երկինքի արքայութեանդ եւ անթառամ պսակին:

Ապա Քահանան բաժակ մը գինի կ'առնէ եւ հետեւեալ աղօթքը կ'ընէ.

ԱՂՕԹՔ

Ո՛վ Տէր, մեր Աստուածը, դուն որ ամէն ինչ իմաստութեամբ ըրիր, որոշ նպատակով հաստատեցիր տիեզերքը եւ նոյն նպատակով պատուեցիր Գալիլիայի Կանա քաղաքին մէջ տեղի ունեցող հարսանիքը, այս պահուն դուն ի՛նքդ քու ողորմութեամբդ օրհնէ նաեւ

այս բաժակը. եւ մենք միշտ գոհութիւն պիտի յայտնենք պարգեւներուդ համար, օրհնութիւն եւ փառք տալով Հօրը, Որդիին եւ Սուրբ Հոգիին. ամէն:

Ապա բաժակը կու տայ անոնց:

ՔԱՐՈՉ

Սուրբ Խաչին ապաւինելով աղաչենք, որ Տէրը անոգ ազատէ մեզ մեր մեղքերէն եւ իր ողորմութեամբը փրկէ: Ամենակալ Տէր, մեր Աստուածը, փրկէ՛ մեզ եւ ողորմէ՛ մեզի:

ԱՂՕԹՔ

Քրիստոս, մեր Աստուածը, որ քեզի հաւատացողներուն պահապանն եւ յոյսը, սուրբ եւ պատուական Խաչիդ հովանիին տակ՝ խաղաղութեան մէջ պահէ ու պահպանէ եւ օրհնէ՛ նորապսակ այս ամուրը, անոնց Խաչեղբայրը, ծնողներն ու պարագաները եւ քու հաւատացեալ ժողովուրդդ: Փրկէ՛ երեւելի եւ աներեւոյթ թշնամիներէն, եւ արժանի ըրէ՛ գոհութեամբ փառաւորելու քեզ, Հօրը եւ Սուրբ Հոգիին հետ միասին, այժմ եւ միշտ եւ յաիտեանս յաիտենից. ամէն:

Ապա Տէրունական աղօթքը կ'երգեն.

Կ'օրնենք մեր Տէրը՝ Յիսուս Քրիստոս. ամէն:

Հայր մեր երկնաւոր, սրբաբանուի՛ անունդ: Թող զա՛յ արքայութիւնդ: Թող կատարուի՛ քու կամքդ, ինչպէս որ երկինքի մէջ՝ այնպէս ալ երկրի վրայ: Ամենօրեայ մեր հացը այսօ՛ր եւս մեզի տուր: Ներէ՛ մեր յանցանքները, ինչպէս որ մենք կը ներենք անոնց՝ որոնք մեզի դէմ նոյնպէս յանցանք կը գործեն: Եւ թոյլ մի՛ տար որ փորձութեան մէջ իյնանք, այլ մեզ Չարէն ազատէ՛: Որովհետեւ քո՛ւկդ եմ միշտ՝ արքայութիւնը, գորութիւնը եւ փառքը. ամէն: